

Na Merca:

Muher ta reporta un caso di violacion caminda holloway a worde mira ultimo biaha

ORANJESTAD (AAN)—Lamentablemente dia tras dia informacionnan na Merca ta sigui circula dañando e nomber di Aruba. Ayera no ta tabata e excepcion, ya cu datonan suministra atravez di WCVB TheBostonChannel.com a

señala cu Aruba no ta e isla sigur cu e propaganda ta bisa cu e ta. Nan ta informa cu Aruba cu un clima cayente henter aña a birá un oasis di vacacion pa miles di residente di Massachusetts. Pero den e dianan aki, Aruba a haya un banda

scur, ya cu Amalia Barreda di News Center 5 a reporta, debi na e publicidad cu e caso di Natalee a trece cune, cu un otro mucha muher mericano a worde viola despues di a bandona e mesun bar na Aruba unda e teenager di Alabama a worde mira ultimamente.

Tambe e reportera a menciona cu cuatro biaha, e mucha muher identifica como Marie, a bin Aruba cu varios amigo y a kere cu e isla tabata sigur y door di esey e no a duda pa a viaha su so pa Pasco 2001.

El a hospeda na Holiday

Inn unda Holloway y su coleganan di school a reserva nan camber.

E anochi prome cu Pasco, a bisa, Marie a bay Carlos & Charlie's, e mesun bar unda e hoben di Alabama a worde mira pa ultimo biaha. Ora cu el a bandona e lugar, Marie a declara cu un homber a hinke den su auto core bay y viole.

“Na e momento cu mi a worde hinca den e auto, gritonan a sali for di mi cu nunca mi por a imagina ta sali di mi y ningun hende a haci algo”, asina Marie a bisa.

Banda di esaki tin un otro declaracion di Neely Consentino, un persona cu a compra un cas aki: “Nunca mi no a sinti mi menaza, sinti mi cu miedo. Aruba ta cas leu foi cas pa mi y semper lo ta”.

Consentino a manifesta cu e y su casa a compra un di dos cas na Aruba y nan ta pasa mas cu mitad aña aki na Aruba. El a bisa cu el a haci e inversion pasobra el a kere cu e isla ta sigur. A agrega cu na Aruba, e gobierno no ta tolera crimen pasobra turismo ta nos industria primario.

“Mas cu 500 mil turista ta bishita Aruba pa aña y cu si no ta pa e mericanonan Aruba no lo ta manera cu e ta. Tin cero tolerancia pa cualkier cu ta menaza of haci mericanonan daño”, Consentino a declara.

Finalmente, Marie a indica cu el a haya un oportunidad pa scapa di e anochi ey di su asaltante. El a laga sa cu e no a reporta e atake na polis pasobra cu e tabata su so y tabata tin miedo, pero mas tanto pasobra e no por a identifica su atacante.



ARAWAK GARDENS

PH:5868470